



Efnahags- og viðskiptaráðuneytið
Skuggasundi 3
150 Reykjavík

Reykjavík, 15. maí 2012

Umsögn frá Landssamtökum lífeyrissjóða (LL) um kafla 8 og 9 í skýrslunni Framtíðarskipan fjármálakerfisins

Efnahags- og viðskiptaráðuneytið hefur með bréfi þann 4. apríl sl. leitað eftir umsögn LL varðandi framtíðartilhögum sem um er fjallað í köflum 8 og 9 í skýrslunni Framtíðarskipan fjármálakerfisins.

LL telja mikilvæga þá vinnu sem nú er unnin á vegum efnahags- og viðskiptaráðherra varðandi framtíðarskipan fjármálakerfisins. Skipulag fjármálakerfisins og með hvaða hætti fjármálastöðugleiki sé sem best tryggður skiptir lífeyrissjóði miklu máli. Lífeyrissjóðir hafa sem langtímafjárfestar beina hagsmuni af því að skipulag fjármálamarkaðar skapi fjármálfyrirtækjum sem heilbrigðast starfsumhverfi. Á sama tíma þurfa skilyrði að vera með þeim hætti að takmarkaðar líkur séu á því að starfsemi þeirra ógni fjármálastöðugleika.

Viðfangsefni skýrslunnar og 8. kafla hennar er umfangsmikið og álitaefni þar margbrotin. LL hafa ekki haft tök á því að vinna sjálfstæða grunnvinnu til að meta forsendur og efni þeirra tillagna sem þar eru settar fram og þeirra leiða sem fjallað er um.


LL vilja þó koma á framfæri við ráðherra nokkrum sjónarmiðum. Starfsemi lífeyrissjóða er í grundvallaratriðum frábrugðin starfsemi fjármálfyrirtækja. Lífeyrissjóðir er fyrst og fremst vörluaðilar hagsmunu þriðja aðila, almennra sjóðfélaga sem ávinna sér réttindi hjá sjóðum sem eiga að standa undir framfærslu þeirra og eftir atvikum fjölskyldna þeirra. Lífeyrissjóðir eru því langtímafjárfestar sem hafa þetta mikilvæga vörluhlutverk með höndum. Starfsemi lífeyrissjóða er þess eðlis að þeir byggja alfarið á eigin fé. Þeir eru því m.a. frábrugðnir fjármálfyrirtækjum að því leyti að þeir fjármagna starfsemi sína að engu leyti með lántökum.

Til að stuðla að farsælli langtímastarfsemi lífeyrissjóða og gera þeim þannig sem best fært að sinna sínu mikilvæga verkefni fyrir hönd allra sjóðfélaga leggja lífeyrissjóðir áherslu á að starfsumhverfi sé sem stöðugast til lengri tíma litið. Mikilvægt er að það sé sem best tryggt með því að skapa fjármálamarkaði sem heilbrigðust markaðsskilyrði. Með þeim hætti er sem best tryggt að verðmyndun verðbréfa sé eðlileg og það dregur úr hættu á rangri verðmyndun/bóluáhrifum. Í því sambandi eru eins og kunnugt er afnám gjaldeyrishaftanna mikilvægt verkefni.

LL áréttu það að lífeyrissjóður er eðlisólíkur fjármálfyrirtækjum. Því er ekki rökrétt að líta á þá með sama hætti og fjármálfyrirtæki við skipan fjármálakerfisins. Á sinn hátt er lífeyrissjóður fyrst og fremst fjárfestir í þessu samhengi.

Að því marki sem til skoðunar kann að koma að setja aðilum á markaði reglur um lánveitingar áréttu LL að fjárfestingar lífeyrissjóða lúta reglum 7. kafla laga um skyldutryggingu lífeyrissjóða og starfsemi lífeyrissjóða. Þessar reglur byggja þeim sérstökum sjónarmiðum að gera sjóðunum sem best fært að sinna hlutverki sínu. Í því samhengi sem hér um ræðir gætu einkum reglur um fasteignalán til sjóðfélaga komið til skoðunar. Þar hefur lífeyrissjóðum verið markað ákveðið takmarkað svigrúm skv. lögum. Sjóðirnir hafa hins vegar sýnt sig að vera varkárir í þeirri starfsemi og í mörgum tilvikum ekki nýtt það til fulls. Að því marki sem reglur um slíkar lánveitingar kynnu að koma til skoðunar leggja LL ríka áherslu á það að fá að taka þátt í þeirri vinnu frá byrjun.

LL óska eftir að koma að umræðu um þessi mál í framtíðinni með það að markmiði að stuðla að því að regluverk og umgjörð fjárfestingarumhverfis og fjármálamarkaðar verði sem traustast og heilbrigðast fyrir langtímafjárfesta og geri þeim um leið fært að taka þátt í eðlilegri enduruppbryggingu fjármálakerfisins og framleiðsluþáttu hagkerfisins.

Virðingarfyllst
f.h. Landssamtaka lífeyrissjóða

Þórey S. Þórðardóttir, framkvæmdastjóri